

光緒山西通志

忠烈錄下

錄三之二

山西通志第二百二十七

賜進士出身頭品頂戴兵部侍郎兼都察院右副都御史巡撫山西提督軍務張煦奉旨監修

國朝

高士達陽曲人順治初貢生己丑姜瓖叛奉劄委署平遙縣事蒞任七日城陷被執賊勒授偽職不屈遇害

王廷衡陽曲人中武舉第一任都司營中軍姜逆之變賊黨據晉祠廷衡繕火具攻之火發不克避自焚死祀忠烈祠

溫光涵徐溝人順治乙酉舉人知福建甯縣有政聲十八年把總劉得功作亂脅之從逆不屈遂遇害子育梓亦被戕  
崇祀三忠祠

武懋德文水人順治中武舉山寇攻城偕諸生郭允秀王化

民及李敦原武仲英李紉等奮身拒敵俱戰死

張占龍太原人康熙三年由拔貢任荊州府通判西山李亨亂奉檄運糧遇賊不屈死之

張成功徐溝人康熙間由行伍任雲南右營千總勇敢過人遇敵身先士卒陣亡

贈卹有加子緯蔭襲千總

張銓交城武生康熙間山寇虜掠銓率村人持械驅逐射殲二賊餘逃入山又單騎衝入賊中賊縛於樹斃割之復摘其頭以去事聞優卹

張凌霄太谷人乾隆二年一甲二名武進士授侍衛出爲福建督標右營參將遷中軍副將破建甯賊魏現等十五年擢雲南開化鎮總兵擒匪盤道鉗滋事計擒之旋被劾歸二十

二年

上南巡凌霄赴浙江迎

駕

命効力西路軍營以功畧守備尋隨定遠將軍兆惠自阿克蘇直搗葉爾羌逆回小和卓木率賊二萬餘人迎拒官軍屯黑水營爲賊所圍凌霄奮身衝擊負重創歿於陣

賜卹如例蔭子爾清衛千總五十七年

命查死事諸臣無世職者給世職

特賞恩騎尉以爾清兼襲

陳聖矩字子儀太谷人乾隆四年武進士除湖南提標守備遷都司再擢四川黎雅營遊擊三十七年隨征金川督本標兵駐堯蹟小金川平調守馬爾達明年六月將軍溫福兵潰

於木果木時馬爾達先已被圍聖矩竭力拒守凡七日僕王  
金印戰死賊至益眾聖矩手刃數人身被十餘創度終不支  
恐見執乃整冠北拜舉火自焚死方事急軍士有議逃者聖  
矩曰吾受

國恩不能勦敵逃將安之括所積軍糧火藥盡焚之曰無以  
資賊也次子禮從揮令去泣曰大人死忠禮獨不能死孝乎  
火發奮身躍入並燼焉事聞

予祭葬附祀三忠祠

特恩加一級蔭其孫德文守備五十七年

命給恩騎尉世職

陳德文字蔚觀父泰早卒德文幼而英異長喜馳馬擊劍習  
兵家言以祖聖矩難蔭官守備歷署水泉平陽諸營補江西

南昌鎮標守備嘉慶元年署鄱湖營都司川湖教匪起江撫  
陳檄赴湖北協勦隨將軍舒克復當陽敘功最二年擢永新  
營都司隨侍衛烏追賊由陝入川三年復隨將軍舒勦賊於  
開縣之白岩山力戰受傷故事征弁創重者得遣歸本營調  
治德文聞名在遣中奮曰不愧吾祖乎乃固請留營自効  
將軍壯而許之旋奉經略檄守大竹城五年回湖北隨巡撫  
倭躡勦竄匪六年大學士書齡督師兩湖諗德文才甫抵軍  
卽檄帶襄陽兵三百防守房縣之陰條嶺陰條嶺者楚陝往  
來要隘也時逆首龍紹周率眾竄九湖坪德文偵知之督兵  
下嶺截勦相持半日賊至益眾圍之數重德文左右衝突麾  
下兵皆殊死鬪殺賊甚眾殲其頭目二人負重創力戰死

賜祭葬

口字彙卷一百三十一 居五金丁  
三  
予雲騎尉世職入祀昭忠祠子正方襲職後官撫標右營候  
補守備陳氏三世死忠孝鄉邦重之

宋良佐陽曲人少豪俠膂力過人乾隆癸卯武舉第一補太  
原左營把總嘉慶元年隨總鎮入川協勦教匪以功擢萬泉  
千總四年賊攻陳家灣良佐奮勇截殺吸於陣初左營有馬  
奔蹏不可制獨良佐能御之在軍恆跨馬提樸刀出戰所向  
披靡無敢當者良佐死馬不食數日亦死而勇敢之名未著  
也嗣逆首劉之協解京

仁宗廷訊據供有自陳家灣殺死宋樸刀便無懼怕之語奉  
旨由川查取職名乃知卽良佐也

特贈昭武將軍入祀昭忠祠世襲雲騎尉子庭芳承襲補汾  
州營守備升貴州新添營都司

邢天培清源鄉人乾隆甲戌武進士補四川提標左營守備  
遷茂州營都司三十七年隨征金川明年木果木大營軍潰  
與子邦彥俱戰歿事聞給銀祭葬  
贈遊擊

予世職恩騎尉罔替

渠永湜字遠泉祁縣人由附貢任臺灣嘉義縣巡檢調彰化  
縣苗務巡檢到官年餘值會匪林爽文之亂謂其弟永沁曰  
老母在堂當留一人奉養汝其速行歸告母不必以我爲念  
弟甫行而賊至倉卒帶勇禦之眾寡不敵力戰死時乾隆五  
十二年也

賜卹如例

劉芳字如蘭太原人幼失恃養於舅家及長將歸念舅母孀



居子幼並迎至家家故貧力備以養暇則習騎射思以材勇  
自奮由乾隆癸卯武舉補北樓營把總嘉慶二年奉檄赴川  
勦教匪以功加千總銜四年與劇賊毛牙子戰偏師深入直  
搗巢穴賊素畏芳名將引避謀其無援更番迎戰芳身中數  
創猶攘臂奮擊仆而復起者再力竭而死族子某乘間收其  
尸氣已絕忽張目大言曰吾死於王事分也惟不能與舅母  
一別此心殊耿耿耳聞者羣稱其義奉

旨世襲雲騎尉祀本省昭忠祠二十五年鄉人公請題

旌入忠義孝弟祠

楊懷照太谷人嘉慶三年賈於陝居盤屋之馬召堡值教匪  
擾及縣境懷照偕堡眾守禦被執罵賊不屈死祀盤屋流芳

祠

王嘉猷陽曲人援例授職從九以軍功擢四川知縣川匪名姑嫂者爲地方害嘉猷嚴爲懲創奸宄屏息薦升漢州知州決獄精當廉能益著遭母憂歸嘉慶二年川楚教匪蠭起大軍水陸並進嘉猷奉檄守川東糧臺賊猝至家人勸其逸嘉猷曰吾與糧臺共存亡去此一步非死所矣遂罵賊遇害姪恆從亦死事聞

賜卹如制

張得凰陽曲人蒲州協把總嘉慶二年從征入蜀賊竄夔州遇之放牛廠接仗陣亡世襲雲騎尉祀昭忠祠

崔德甯宛平人補太原撫標千總遂隸籍陽曲累遷隰州營都司嘉慶元年檄赴川陝等處協勦教匪前後與賊八十餘戰二年十二月追賊至開縣之回龍廠戰失利受傷至四十

餘處而死

贈卹如制祀昭忠祠子映宸襲雲騎尉世職候補守備

李攀龍陽曲人大同威魯堡千總嘉慶二年出征川楚在西鄉馬家灣接戰陣亡

賜卹如制

武靜藩交城人由武生拔太原鎮右營外委嘉慶元年教匪滋事在河南新野接仗眾寡不敵陣亡祀昭忠祠

武陟秦交城人由武生拔太原鎮左營外委嘉慶四年川匪不靖調晉軍協勦陞秦懸軍深入陣亡於穆家壩祀昭忠祠楊毓藻字翰華榆次人舉道光辛巳鄉試選猗氏教諭咸豐乙卯以截取授等都知縣江右自癸丑後郡縣多爲賊陷等都復與閩界毗連旦夕多警人皆爲毓藻危毓藻毅然就道

行抵贛州謁太守而所偕二姪皆病死有勸其藉經喪事乞假於守留郡城以觀動靜者拂然曰事不避難臣之分也吾第盡吾分而已他何知焉徑抵雩視事甫兩月而賊黨萬人由吉安竄至時城中練勇僅數百居民千餘家毓藻激以大義人皆死守賊用地雷陷城丈餘蜂擁而入率民勇奮擊却之且戰且禦相持十餘日賊益厲至四面攻擊城陷猶巷戰手刃數賊力竭遇害族弟毓森及僕閻映和段成並殉焉而城中丁壯及老弱亦無一降者

詔從優議卹

予世職子健諸生先卒侃襲雲騎尉聞難奮身孤往覓遺骸不得招魂歸葬

武來雨字聽濤交城人道光辛巳舉於鄉由大挑歷知平武

縣竹諸縣性明敏精聽斷所至有政聲縣竹土匪虜掠輒糾連數百民不聊生來雨親督團練佩刀跨馬直搗賊巢擒其渠魁地方靜謐道路興歌以事鐫級去縣民如失父母需次省垣民爭饋薪米數歲不絕尋乞歸更措千金贖之咸豐中起補慶符知縣庚申九月滇匪倡亂慶符無城可守乃與妾金氏決金氏自經見志來雨書一束於懷曰不肖知縣武來雨頓首慶符縣士民雨雖叨科名毫無韜略上負國家委任之恩下慙撫育百姓之義無城無兵眾當共諒今日死節分所當然但無兒女兩袖清風尸柩還鄉所費不少本縣水秀山青雨甚羨慕儻士民垂憐擇一善地環植梅花穴葬其間夫婦相倚建一牌坊題曰死節縣令武來雨之墓則生生世世圖報無窮云云乃朝服北面拜已端坐於堂上服毒以待

俄賊入呼武青天當避來雨罵賊毒發卒於坐賊爲棺斂祭  
弔始去慶符民相與起墳建祠刻其手書於祠壁讀者哀之  
以爲與康熙中武昌兵變監司葉映榴遺疏足並傳云  
宋清魁交城人道光甲辰武進士授侍衛出爲湖北德安營  
參將在任八年頗著政績咸豐四年洪楊大股圍攻德安清  
魁勵眾守禦糧盡援絕城陷死之事聞照副將陣亡例  
賜卹頒祭葬銀五百兩子懋猷諸生襲雲騎尉

賈太禎徐溝人其父商於歸德述家焉有膽略工技擊以義  
信爲地方推重咸豐六年捻匪擾豫當事者令各縣團練名  
連莊會無事則安業有事則荷戈眾舉禎爲之魁固始知縣  
祝塋知禎勇敢每賊至必令隨勦屢立戰功當賊之掠歸德  
也擄優伶演劇縱酒張筵禎匹馬提刀從十餘騎直入其巢

徑至筵前斬賊目數人左右衝突逢人卽斫及賊張皇集眾  
已不知所往其勇略如此以祝屢薦賞都司職銜次年賊又  
至與祝偕勦身陷重圍既出不見祝復殺入卒援祝以出而  
頑所乘馬忽踣於礮賊萃攻之闕益急身中數十刃力竭而  
死官民痛之詳請

旌卹得世職弟太福由千總歷保都司亦以善戰稱

胡彭齡字亦祭祁縣人由附貢任曲沃縣訓導咸豐三年粵  
逆由豫入晉進逼曲沃有以權避爲言者彭齡守死弗去時  
一妾一女皆啜泣乃謂妾曰若可無死好收吾骨正邱首妾  
攜女逸須臾賊至搜學署無所得惟校官一人在賊脅以刃  
勒令降彭齡厲聲大罵手刃賊賊忿甚麾眾擲刺遂遇害賊  
去後妾檢其尸扶柩歸

贈國子監助教銜並雲騎尉世職

以上太原府

周遠祚臨汾人順治乙酉舉人授繁峙教諭姜逆之變其黨劉遷陷城逼授偽職不從死之時閩家被害僅遺幼子敦成甫三歲貢生張某竊育之事平以歸祀鄉賢

李厥健洪洞人順治丙戌進士官行人司行人奉差赴粵東會李成棟叛召之往不屈死

李先春浮山人武生邢翟之役領鄉兵衝陣揮大刀連殺數賊以誤踐危石而蹶遂被害子金娃亦同時戰死

秦士鳳浮山人武生姜逆之亂分守東城後追邢翟村賊據山險直前逼之賊頗却而後軍不繼遂陷沒時同行義勇劉波武生喬謹胥以救士鳳殲焉

柳吉祥翼城人順治間沃賊郭中極圍城捍禦得免後復大



至與義士王國甯等二十六人臨河大戰力竭而死邑人立  
廟祀之

李宏德襄陵人由將材歷任至浙江海門副將死於難子襲  
職

趙環臨汾人由武進士任右營千總嘉慶元年勦捕教匪迭  
獲戰功六月追賊於棗陽縣之張家璫力戰而亡

賜卹給雲騎尉世職

楊永錫浮山人任四川東鄉典史嘉慶元年以勦捕教匪陣  
亡給雲騎尉世職

田增福臨汾人潞澤營外委嘉慶元年勦捕教匪每戰必身  
先士卒屢獲勝捷二年十月遇賊開縣石垓子地方力戰而  
亡

賜卹給雲騎尉世職

賓明臨汾人嘉慶元年教匪之亂總鎮德奉

命征勦其父以軍吏當行有憂色明慷慨自任代父從戎遇

賊夔州府陣亡

喬堅臨汾人以武生從軍湖北勦賊陣亡祀昭忠祠

韓人杰字漢三洪洞人由例監任陝西按察司司獄調綏德

州吏目署紫陽縣知縣嘉慶十七年解餉中途遇寇死

贈國子監學錄

仇恩榮字向初曲沃人嘉慶癸酉拔貢

朝考授刑部七品小京官累遷至郎中總辦秋審處出爲池

州府知府在官課士勸農修城隍築江壩百廢並舉歷署潁

州甯國及安慶府撫恤流離加惠災氓所在並有政績敦篤

內行與諸弟極友愛弟孝廉恩銓歿於署授漢人期功去官  
義謝病歸咸豐癸丑髮逆突竄晉疆垣曲告陷恩榮方倡資  
爲守禦具事未集而警已逼或勸之避正辭卻之謂弟恩覃  
曰吾受

國恩義當效死汝爲嗣續計宜早去恩覃曰兄在弟不忍去  
也城陷俱罵賊死恩榮妻李次子汝修恩覃妻張均殉焉  
贈太僕寺卿

予世襲事跡宣付史館恩覃亦給雲騎尉世職妻子並

旌卹如例

關春魁曲沃人道光乙酉拔貢癸丑之變隨邑令登城守禦  
城陷率弟監生殿魁姪爵一與賊力鬪春魁身中數刃頭被  
斧血流蔽體猶罵不絕口而死殿魁爵一俱殉

賜卹有加世襲騎尉

王恩耀字芸暉曲沃人幼聰慧下筆驚其曹偶道光乙未舉於鄉累試不第與洪洞王軒趙城張千鏞以文章行誼相切劇學益進授徒鄉里東脯所入悉以購書勉子弟以有用之學由大挑署興縣訓導後補河曲教諭以母老未赴粵匪之變燬侍母食而泣母曰汝讀書知大義吾幸矣勿以爲念語畢乘間投水死燿大痛奮身隨溺以殉

贈國子監助教並

予世襲

蘇廷紳曲沃人丁酉拔貢以教諭注選癸丑聞警偕縣令丁謙守城語弟廷直令姑避廷直不可誓同死生城陷廷紳死之廷直亦罵賊死其妻衛及兄女並殉焉

詔從優給卹加國子監助教銜世襲雲騎尉廷直亦以舉人  
尋世職妻女並祀節孝

許瀚章曲沃人道光中以貢任甯武府訓導癸丑家居殉難  
贈國子監學錄並給世職

仇鼎銘曲沃人諸生粵逆陷沃據其家鼎銘夜伺賊熟睡縱  
火焚屋賊驚救不及多死者鼎銘亦投火死合家男女十餘  
人俱燬焉

詔從優給卹世襲雲騎尉

陳墉浮山人道光丁酉武舉太原鎮標候補把總咸豐三年  
粵匪陷平陽禦賊遇害

賈加千總銜給世職子耀南襲雲騎尉

張常經字敦五汾西人由武進士選侍衛授福建汀州右營

遊擊蒞官三載整飭營伍能得士心值粵匪亂督兵勦賊屢有擒斬卒以眾寡不敵陣亡

贈卹如例子天德襲世職官守備

杜德煒洪洞人丙午武舉以千總歸鎮標効力粵逆竄平陽煒奉檄催兵歸賊已圍城縋而入從知府何督兵誓守城破巷戰死

賜世職從祀何太守祠

郭培榮字春岩臨汾人由諸生挑取臚錄分發浙省以丞倅歷攝縣篆兼署臺州府同知多著政績道光二十七年補授布政司理問咸豐十一年粵逆竄杭州城陷罵賊不屈全家殉難

賜卹如例以族人爲嗣承襲雲騎尉

趙璧字蘭完臨汾人廩生家貧嗜學事母以孝聞癸丑粵匪薄郡城踞東關虜其從兄璉璧素以節義自期乃令妻子投後園井中書文山絕命辭於壁亦赴井死先是郡城戒嚴友人賈某邀避地東山璧執不可僅攜其兄子去賊退出其口雙目不瞑僚僚有生氣後璉脫歸再娶生一子使承宗祧焉傳焜臨汾人廩生幼讀書知大義雅爲士林所重咸豐三年粵匪陷郡城焜厲劍以待賊至手刃數人賊攢刺之至死罵不絕口賊焚其尸婦女皆以不受汗死其兄煜貢生亦以身殉人稱爲二難

宋秉文臨汾人諸生性剛介讀書遇忠孝事輒慷慨激昂不能自己城陷被執秉文大罵賊怒剗其腹燃以巨礮尸四裂兄秉智亦被戕妻與子姪相繼投井死

韓維鎮臨汾人歲貢生品端學優設教郡城從之遊者皆守禮法惟謹聞賊已陷城具衣冠望

闕再拜將自盡賊突至露刃脅之維鎮痛罵不屈遂被害子端濂端灝並妻劉氏子婦孫女並同時殉

贈卹如例

呂璠臨汾人增生性豁達讀書明大義癸丑城陷從容就義子壽兒姪炳南福齡並從死妻王氏姪婦趙氏亦以身殉蒙恩給雲騎尉世職

劉振聲臨汾人諸生守城被害弟振鐸振國子衍祺衍福同時殉難

贈卹如例

李維祥臨汾人以把總巡城禦賊不克死之兄增生維祺議



叙八品維福同日殉難

贈卹如例

劉溥清臨汾人鎮標右營把總賊至力戰死

予世襲雲騎尉

陳儒字席珍臨汾人以鹽知事注選賊警逼協守郡城晝夜不懈城陷死之主僕十九人無一生者同時誓死登陣力屈身殞者有把總趙纘宗郭文煥董朝華及諸生宋世鳳並賜卹如例又把總袁慶員禮外委穆彪郭清元雲騎尉趙勉學七品銜郭錦六品銜衛廷順從九品王棟徐永康伴官王桂監生車盛諸生遂芳及杜萬金劉秉亨皆以守城遇害陳步洛臨汾人授職理問弟步棠鹽知事均罵賊被害步洛子殿元步棠子魁元皆從死

賜卹如例

李莖朱炳張鈞馮源及弟廷琮並臨汾人以誥生殉難同時  
罵賊不屈及力闕而死者有六品銜張琪從九品吉履喜鄉  
民李潤營卒王泰商人王國選而耆老有監生張景祉偕其  
子瑾姪珣孫甲第吏員續朝梁年八十餘偕其子恭並以抗  
賊被害儒童段燾高林郭斌三人同硯席爲賊迫脅不從死  
許爾謙洪洞人諸生粵匪陷城罵賊而死

商多字祝圃洪洞人素剛直城破賊入其家多持刀大罵賊  
奪刀反斫之身無完膚而死

晉志加洪洞人諸生賊陷城爲所俘使之役志加曰吾大清  
秀才豈能爲賊役令之食曰吾大清秀才豈肯食賊食賊怒  
磔之罵不絕口而死

劉幾平洪洞人素行剛方不爲勢屈賊警旣逼誓死不去城破迫令從逆罵不絕口遂遇害同時有鄭思公者書吏也亦以義不從賊被殺

李元彥字遂川曲沃人廩貢生隨縣令丁禦賊及潰歸拜祖堂投井死母高氏妻趙氏弟婦閻氏衛氏妹及子女三人俱同時死張佩蘭亦廩貢喜拳勇與從弟芝生並以勁直名遇賊力鬪見殺妻女並殉呂希曾字沂川以子玉麟與城守時勉以忠義及城陷玉麟馳抵家已率男婦八人相次殉矣玉麟痛曰城破家亡何以生爲反身與賊鬪力竭被殺其同時守城力竭爲賊所執遇害者又有諸生呂傳曾從九品衛錫印許承惠李玉符李天榮罵賊不屈及鬪死者有監生李紱柴積山李成棟諸生王尙友秦子質及子夢蘭從九品楊炳

趙書林又齋奏蓋官正及弟諸生敘正劉正柱及子體莊皆宦裔也並以身殉皆蒙

賜卹給雲騎尉世職以恩騎尉世襲罔替如例其武生鄒寵恩及鄉民郭殿桂盧鍾齡李鷓鴣尉萬選仇行簡吉自強崔映漢王賦等皆以禦賊被戕

恩卹有差並祀入忠義祠

劉頤年洪洞人兄益謨官廣西修仁令頤年從任寇猝至值兄公出率吏役挺身禦之眾寡不敵遂被害

劉家鏘洪洞人由軍功保舉守備隨營効力癸丑遇賊直隸陣亡從祀天津昭忠祠

劉淵洪洞人由軍功保舉守備

賞戴藍翎辛酉在河南勦賊殉難從祀裕州昭忠祠

柴友芝字鹿筵襄陵人風骨雋逸善屬文書法尤工由拔貢  
戶部七品小京官舉咸豐乙卯鄉試明年成進士入翰林同  
治中假歸主講姑汾書院並辦團練六年擒匪竄入縣境之  
京安鎮友芝率勇堵禦賊勢猖獗眾驚潰友芝被執不屈遂  
遇害

賜雲騎尉世職

殷鶴齡臨汾人趙城駐防外委咸豐六年從軍河南協勦擒  
匪屢著戰績其年冬首逆張洛行竄據永城境進師與戰銃  
斃多賊賊潰逃鶴齡竭力窮追遇伏而亡

贈卹如例

王裕臨汾人襄陵城守外委同治六年擒逆之變督兵勇禦  
賊於城南之大明坡深入賊陣馬蹶被戕死事

賜卹如例並給世職

陳夢麟字覺菴臨汾人援例入太學以義氣爲鄉里推重  
匪犯境夢麟邀集村眾據寨爲守禦計未幾賊大至蟻附而  
上見礮石纍纍怒縛之夢麟詞義激烈罵不絕口身受十餘  
創而死

景樹屏臨汾人武生擒匪至境約鄉人守村堡賊至皆潰逃  
樹屏力闕死

梁棲鸞臨汾人擒匪四掠與之遇迫爲嚮導不從力闕死王  
百萬據村門與賊格力竭遇害王兆甲善技擊屢仆賊爲其  
黨攢刺死皆鄉民也而儒童遼安祥亦以罵賊不屈遇害  
南硯田字筆耕臨汾人武生與同學友石鍾麟遇賊於永凝  
村奮前與鬪當者輒仆俄而賊益眾力竭被戕死

喬集鸞襄陵人議敘鹽知事縣令委辦團防擒匪至率鄉兵禦之西亢村賊少卻未幾遙擁來集鸞奮勇堵擊身被重傷與姪從九攀桂及鄉民鄧振山等三十餘人同時戰死

張學江襄陵人諸生聞賊入境糾集村人激以大義誓死守禦鄰村武永福者亦集里人禦之村外賊至皆遇害

徐錫綬襄陵人監生有膂力擒匪掠及其村奮身與鬪被執不屈死同時鄉民禦賊力鬪死者有王永昌等十人罵賊不屈被戕者有趙福元等三十餘人

鄧玉成洪洞人監生性剛直有膽略知縣繆炯重其人委辦團練甚著勤勞嘗陳方略十六條皆可採丁卯冬賊由南路直逼縣城玉成以鄉團難恃率長子文煥季子文炳四鄉招募至城東之故縣突遇賊數百至遂奮力與戰格殺數十人

賊眾大至中銃死文炳故武學奮勇救父闕尤力賊支解之  
死後猶握賊髮一縷上帶顛血涔涔滴文煥手目俱中傷仲  
子文煌亦諸生方奉母山居間耗痛哭死

李步雲洪洞人素業儒捻匪擾境遇賊坊塹村賊脅之從步  
雲大罵力格之身受百餘創而死又從九任德本李淡性田  
天祿郭元化皆力抗賊鬪不勝死其爲賊迫從逆不屈而死  
者有景立寬郭牛娃等皆鄉民也

王凌河字星馮洪洞人諸生捻匪至村人皆走避河以母老  
不忍去母給河探賊乘間投井死河歸大痛與妻從之以殉  
文郁洪洞人家師村賊至集里中子弟出村堵禦及交鋒眾  
各逃散郁獨升屋以瓦擊賊卒被執以襪被裹身灌油焚死  
自賊擾境鄉人殉難者凡二百五十三人而郁死爲尤慘並



奉

旨祀忠義祠

呂紹望字渭園太平人光祿寺署正同治六年捻逆犯境糾鄉人力禦遇害時賊盤踞縣屬之古城鎮四出焚掠鄰村多被其害其罵賊不屈及力闕而死者有拔貢張榜花附貢張吉祥例貢屈廷桂張登賢諸生王燧之張廷魁屈挺升張源恭張映庚竄連陞從九屈述先任承基任承惠及鄉民崔道蕩等四十餘人均祀入忠義祠

柴庚辛曲沃人附貢生捻匪入村搜掠庚辛厲聲罵之賊怒挾置火中被焚而死又廩生梁葵垣諸生李其貴者民馬振榮並以罵賊遇害

辛兆奎曲沃人武生素嫻騎射捻匪犯境發矢燈其前鋒賊

屬至遂遇害張如洙張森榮並諸生聞警各約其村人據寨守賊至眾潰皆力拒以死楊調元者亦以糾眾抗拒爲賊所殺

周之屏曲沃人村居喜讀書通大義歲丁卯充里長辦本甲錢糧封緘待納而捻匪至之屏以母柩在堂不忍遠避賊索銀得所封緘之屏厲聲曰此國賦也頭可斷銀不可得力與格遂見殺祀忠義祠

張恩榜鄉甯人武生善騎射性剛直爲鄉人推重捻逆自吉州竄河津恩榜遇賊於縣境之兩乳谷發矢殪其前鋒賊聚圍之力鬪被執支解死

閻恕鄉甯人業儒捻匪犯境所居當賊衝村人皆走避恕獨偵賊遇諸塗脅以從逆大罵不屈被槩死

劉迺詢洪洞人軍功議敘從九品叔輅官海豐知縣迺詢從侍時直東捻匪蜂至由慶定竄入海豐迺詢督率丁壯登埤固守賊掩至力戰禦之脫腸而亡家丁同時遇害者二人

王者家曲沃人以典史署甘肅平番縣丞軍功加同知銜擢州吏目時回匪作亂圍平涼府甚急者家奉委協守及城陷遂以身殉祀平涼昭忠祠

以上平陽府

賈道醇蒲州人順治中太谷教諭遂舞縣事時姜襄反大同太谷爲賊黨所陷道醇死之

贈國子監助教從祀太原忠烈祠

左成名蒲州人順治十一年以貢士任岳州府經歷署慈利縣事湖南賊方亂攻破慈利成名爲所執迫之降成名曰吾職雖微亦朝廷所命死乃分耳甯屈賊哉遂遇害事聞卽

贈慈利縣知縣恤其家

郭武棟榮河人乾隆中任陝西宜君遊擊從征金川攻克礪寨紀功七次陣亡

賜恩騎尉世職

李禧永濟人官白土營都司嘉慶二年教匪竄入陝境禧率所部截勦力戰陣亡奉

旨從優給卹予雲騎尉世職

王康濟字悔餘永濟人性剛直慷慨任事道光丙午舉人大挑知縣揀發廣西洪逆倡亂陷荔蒲督鄉團復其城卽署縣事從大軍解恭城圍復富川城克平樂府身經數十戰幾瀕於死而氣不少挫丙辰兼攝修仁縣踰年劇賊陳金剛等滋亂大吏以康濟習軍事賀當賊衝調署其縣賊犯境擊卻之

未幾賊大至城遂被圍康濟激厲軍民嬰城固守相持七十日糧盡援絕城陷抗節不屈死事聞

賜卹如例並給世職建專祠子械美河南縣丞兼襄雲騎尉荆中璞永濟人剛毅有膽略與弟中璜俱買於新疆之葉爾羌城道光六年逆回張格爾騷擾邊界商民共結團爲守禦計以中璞兄弟果敢任事同輩推爲團長中璜亦慷慨不辭籌經費製器械率領數百人晝夜登陴固守未幾賊陷喀什賊參贊大臣進破英吉沙爾遂圍葉爾羌城距伊犁二千里相持十餘日援兵不至回民復譁起應之遂陷中璞率衆拒戰蹶而顛爲賊所殺中璜曰兄死矣吾義不獨生奮前擊賊賊又殺之而盡焚衙署市舍而去後賊平

詔查死事官民給卹如例祀入昭忠祠

崔楨永濟人任順昌典史咸豐八年粵匪犯閩攻城楨協令固守及城陷率家丁巷戰力竭死之

賜卹如例子雲騎尉世職

張允重猗氏人任山陽縣典史潔已奉公勤於巡緝同治任戍髮逆竄陝分掠州郡四月進逼縣城勢甚猖蹶有勸其逃匿者允重不可佐其令誓以死守越數日城陷被執賊以刃脅之使降不屈遂遇害事聞

贈主簿銜給世職子鼎彝襲雲騎尉

以上蒲州府

侯五長治人以膽略自負順治初

大兵定潞安闖將劉忠遁已復乘間襲城穴地作暗道矢石俱不能及五持刀縋城下奮勇截殺賊始退俄中流矢遂被執爲賊支解死先是城中不設備賊前騎已闌入西門有材

官馮世選者急引弓射退之門甫閉而賊眾已至抵城下及穴地又爲五所幾合郡生命賴二人以保全云

李還春長治人順治己丑進士授激浦知縣以辰沅道梗聶慈利縣事甫蒞任賊黨猝至慈利無城可守遂以身殉還春讀書得體要通籍後益肆力經濟之學而還罹凶鋒以死論者惜之

馬之迅字敏仲順治乙未武進士充頭等侍衛授福建提標旗鼓守備以擒海寇張貴連志韜功遷廣東廣州水師營都司勦平海寇楊三王占三等敘功調海安左營都司康熙九年遷湖廣彝陵鎮標中營遊擊十三年吳逆至湖湘土寇竊發鎮帥悉精銳南下獨留之迅及老弱數百人川寇大集攻城之迅死守出奇計擊走之八月圍復合將內潰示以整暇

乃定一日亭午度賊已懈出城奮擊追北數十里斬敵甚多之迅亦被創以歸寇憤甚復糾黨腐至攻益急左右請歸者養疾斥之曰吾守臣與城共存亡耳何歸爲久之以前創卒將卒謂子聲曰我死汝必盡殺賊不爾目且不瞑事聞賜祭葬

贈昭勇將軍

崔琦壺關人順治間以貢任絳縣教諭姜逆之變城破被執不屈死之

申傳書潞城人賈於山東之甯陽縣咸豐十一年捻逆犯境傳書自團局率勇二百禦之力退其鋒抵暮賊大至部勇皆潰傳書同局紳三人奮鬪死

賜卹蔭孫長齡襲雲騎尉同邑與難者有監生任丕基廩生



梁鎮韓貢生武振明庠生武維揚並不屈死時有四烈士之

稱以上潞安府

刺國賓字國楨介休人貴州青溪縣典史時清江苗民不靖國賓不避矢石統數百人親搗其巢大破之勞瘁致疾以身殉制府上其功蔭一子入監讀書

許攀龍介休人父明任南召縣李清店巡檢攀龍隨侍任所嘉慶丙辰教匪不靖突有賊數萬犯其境攀龍率鄉勇力拒以眾寡不敵遇害奉

旨入昭忠祠明累遷至清軍同知

范懋字勵亭介休人四川重慶營遊擊善撫士卒甘苦與共嘉慶二年與教匪戰於甘草煙身被重傷十七處而死卒有生還者夜尋全尸而歸

賜祭葬入昭忠祠世襲雲騎尉子光昉補花兒寺守備

任起璠介休人湖南試用從九品奉委解剝船赴江南河口行至山陽縣楊廟灣猝遇暴風舟覆溺死

贈府知事蔭子成洲入監讀書

韓澂字志清汾陽人道光辛巳舉人由大挑授垣曲教諭履官十載訓士有方素善技擊置銅椎二每中夜起舞有壯士風咸豐三年粵逆竄懷慶漸逼垣曲澂與縣令晏籌防禦策嚴爲警備士民知其素有膽力皆倚恃之既而賊果至偕令固守力竭城破澂奮身遮擊椎起立斃二賊賊眾大至中槩洞前胸澂猶左右格當者輒仆力不支始踣地大呼殺賊而絕妻殷氏與媳卽氏投水死子思恭亦力鬪遇害縣人楊汝梁爲具棺斂以其喪歸

贈卹如例

張文照介休人道光辛丑武進士任固關參將咸豐癸丑粵匪竄晉陷曲沃屠平陽都統勝保追勦至洪洞文照時從夜半入營披帷立勝保驚謂曰子胡爲者曰賊千里長驅如入無人之境若過韓侯嶺一步則太原危矣今急率輕騎繞賊前賊必不敢輕進勝保從之賊果東竄積功至副將賞戴花翎從征湖北陣亡

賜卹如例

李芳齡永甯州人父能臣雲南總兵芳齡以經歷需次滇中署蒙自知縣咸豐九年補順甯府右甸經歷值回逆竄擾芳齡馳入府城協守城陷被執不屈死

贈卹如例祀昭忠祠子溁襲雲騎尉

趙忠傑字人奇汾陽人由武生効力行伍擢外委咸豐中軍興奉委駐太行歷三年以勞給六品銜六年從勦捻匪抵歸德夜搗賊巢中伏遇害子元政官千總

王太平孝義人道光戊戌第武進士以藍翎侍衛選授福建汀州營守備兼署遊擊咸豐七年髮匪犯光澤太平督兵追擊力竭陣亡

子雲騎尉世聯

侯清彥平遙人江興衛領運千總咸豐庚申蘇城失陷奮身巷戰身受重傷猶手格數賊被槩死

賜卹如例給雲騎尉世職

崔銓淦汾陽人父松齡舉人有行義銓淦幼孤力學成同治壬戌進士以縣令需次關中時回逆方熾銓淦慷慨就道謁

巡撫劉卽陳保境安民十事劉偉之命分守西門以功令擢  
長安縣尋署白水四年補授寶雞知縣縣當衝途逼賊巢銓  
淦防守得宜賊年餘不敢犯境丁卯秋久雨城崩慮賊乘間  
立督修築工甫半而賊眾忽至城傍山且壞賊據險俯攻相  
持五晝夜力竭而陷罵賊遇害次子埭隨死妻馮氏攜幼子  
女投井死

詔從優議卹

馬祺平遙人生有氣節遇事不避艱險援例授陝西甯羌州  
吏目同治二年偕官紳守城禦賊力竭陣亡

賜雲騎尉世職祀忠義祠

賀靈秀永甯州人廩貢生授職巡檢歷署靈州肅州吏目上  
官器其能歷保知縣加提舉銜同治四年委守肅州東城回

匪陷城靈秀死之妻黨氏併子智臣信臣皆被害祀昭忠祠  
郝恭字文元汾陽人由世職補授平陽營千總同治丁卯捻  
匪之亂奉委防堵吉州禦賊陣亡以上汾州府

王日俞陽城人明未進士

國初知孟縣蒞任方踰月闖賊偽將某以賊數萬至城下攻  
七晝夜日俞仗劍登陴督吏民固守已而大雨如注城遂破  
賊執日俞使降不屈死之事聞

賜祭葬旌其節

段上彩陽城人順治丙戌進士知沐陽縣以仁慈爲治上官  
交薦之會賊猝自山東來乘夜襲破沐陽郭入執上彩上彩  
奮拳擊賊帥賊怒剖其腹妻劉氏子公樞及二僕皆死焉  
贈按察司僉事蔭一子入監讀書

趙汭沁水人順治丙戌進士授蓬萊知縣遭憂歸里姜逆之變僞將沈某至沁脅之從逆罵賊不屈而死其子奔救亦被害

曹邦偉陵川人以恩貢授江西定南縣令噢休疾苦宏獎風流士民咸愛戴之會金聲桓發難捍守孤城力竭城陷不屈以死子翰明際盛從子翊明僕伏新等十一人俱從死贈按察司僉事

予祭葬蔭一子入監讀書嘉慶十二年

詔給世職以裔孫旌忠襲恩騎尉

張鳴字射斗沁水人由貢生授江西貴溪令時方鼎革郡邑初附人心未固單騎赴任拊循凋殘未半載土寇蜂起赴府請兵遇賊於途被執不屈而死

秦克俊陵川人由貢生知南豐縣死金聲桓之難卹典未及人咸惜之從祀忠義祠

竇明運字更生沁水人少有大志順治初江南甫定伏劍南下謁豫王陳蕩平策王以屬安徽巡撫劉劉奇之置標下及李制軍棲鳳至益親任之以功累遷至都司李調撫廣東攜以行奏擢撫標中軍遊擊時粵東土寇多附明桂王所在響應明運治軍嚴而有法優恤士卒咸爲效死先後擒斬偽總兵周瓊飛張權璽張易能林志昂等及李總督兩廣仍隸麾下十六年調勦羅定以五百卒連破二十餘寨深入陷賊伏賊數萬雲合夜迫溝中血戰盡夕力不支拔劍自刎死

增副總兵給祭葬子應壽蔭守備官至龍門都司

楊一藻字煥章陵川人廩生姜逆發難城破藻慷慨與邑令



李向禹同時殉難當事爲請於

朝旌之祀忠義祠

何印沁水人姜瓖之變沈賊等盡破堡寨獨端氏堡屹峙賊環攻之印中三矢血盈襟袖猶飛石擊賊賊退印力竭而死人謂端氏不被賊禍者胥其力也

以上澤州府

劉愈奇靈邱人順治初授河南考城知縣升歸德府同知所至有聲擢知四川保甯府值吳逆之變抗節不屈拘繫不食而死

周于德廣靈人諸生幼偕弟子道受學於父之屏姜逆之變賊黨徇郡縣至廣靈知縣范發愚乘城固守檄召鄉勇之屏督眾往于德請從不許則曰安有父行而子不衛者于道亦慨然起曰安有父兄俱行而子弟不衛者遂同應召賊猝邀

擊於途二人奮長矛振臂大呼逐賊旋陷入賊壘被執不屈  
俱死之同邑李冀者之屏妻弟之子亦請偕往日昔人恥獨  
爲君子願分餘烈及周氏兄弟陷於賊冀馳救之亦爲賊所  
殺

杜國慶大同人以武舉累官沂州鎮標遊擊饒材勇精騎射  
慷慨許國嘗有死敵之志順治六年土寇竊發率其黨攻城  
武縣國慶馳往救之擒渠魁王心茂王希純等已復攻定陶  
亦國慶汛地也偕縣令李文學殫力防禦一日遇賊振臂大  
呼徑入其陣文學督兵繼之賊眾披靡援兵不至賊復合圍  
甚堅國慶屢馳擊不得出與文學偕死

賜卹如制

李承鑛大同人順治六年由選貢知房縣居縣西羊角寨招

撫流亡賊潛伏山谷一日夜行三百里襲之被執不屈死  
常志旺大同人與父炳兄志强並以勇聞美壤之變賊黨王  
忠爲飲具邀其父子以謀告三人堅拒且辱晉之忠忿甚譖  
諸左衛僞參將某縛之至各杖百餘慘毒備至志旺瞑目大  
罵賊怒刃其頰血濺賊面遂遇害炳及志强被囚會

大兵克復左雲擒忠等斬之乃得免炳後官大水口操守  
苗如璋靈邱人由拔貢授興縣教諭卓異保升知縣歷任甘  
肅合水湖南甯鄉後署桂東縣事值賊眾播亂佔踞城池璋  
督勇力勦克復桂陽鄧縣崇義上猶並廣東興甯江西龍泉  
諸縣積功加知府銜嗣以勦賊墜馬因傷身死

贈卹如例祀昭忠祠子淦世襲雲騎尉

王永清靈邱人乾隆戊午武舉署瓦窰口千總嘉慶初川陝

軍與從鎮將協勦教匪戰歿於陣

贈卹如例給世職入祀昭忠祠

王萬邦字協和陽高人軀幹雄偉讀書通大義勇略過人成乾隆辛未武進士授侍衛越四年出爲陝西涼州營遊擊時西陲用兵萬邦率偏師從定邊將軍攻庫車克其南門俘馘甚眾已從并木洛克沙雅爾二路勦賊有功累遷保定城守營參將張家口副將嚴部伍均戍役人服其威信尋擢貴州威甯鎮總兵官辛卯冬命往會勦金川歷十餘戰皆身先行陣冒矢石攻克碉卡無算癸巳秋疾作猶力起督戰負重傷昇歸營而卒

賜祭葬入祀昭忠祠蔭其子京營千總

王珍永清子由世襲雲騎尉歷升廣東肇慶協都司署連陽

管遊擊道光中猺匪滋事寇花縣珍從師力戰七晝夜擒斬甚眾因製攻具爲火藥轟傷而死

贈卹如例入祀昭忠祠子攀桂襲世職

馮景字仰山渾源州人道光甲午舉於鄉由大挑授蘭儀知縣調鹿邑商邱所在有惠政咸豐五年膺卓薦以同知直隸州升用時河南捻匪蠱起景治鄉兵有聲當事遂檄入營倚以辦賊逆首張洛行擁眾數萬撲擾歸德景率曹勇千人轉鬪而前皆解其圍七年破賊虛廟集又敗之於劉家口明年三月賊傾巢來趨馬頭寺營馬頭寺者在商永間督師袁端敏公甲三以地扼皖豫兩省之衝特檄景駐軍者也偵賊將至設伏以待擒斬無算賊忿甚六月擁勁騎來犯景間道襲擊復破之濟陽集追七十餘里抵亳州清涼山賊尸枕藉以

功擢知府賞戴花翎賊旣屢敗乃由商邱界溝集迂道循包公廟築圩相連互數十里希久抗且恃其眾更番出戰以疲我軍景督兵勇遇賊奮擊轉鬪至田家集會日暮伏發團隊爲所衝梗不相屬景督親軍五百殊死戰僅餘五十人皆創重垂絕猶奮身下馬格殺數賊力竭遂遇害事聞

詔從優給卹

贈太僕寺卿世襲雲騎尉祀入京師昭忠祠歸德又於張睢陽六忠祠後建立三忠祠三忠者景與商邱巡檢余紫峰候補府經歷施香巖皆從景陣亡者也景善遇士卒能以少擊眾遇戰趨疾若風雨自名其軍曰飛虎隊賊目來降者皆善撫之多得其死力云子士雅以從勦賊積功擢知縣士維襲世職官馬邑鄉千總士清諸生士正候選訓導

程兆桂字植五渾源人道光中由廩生援例選授清遠知縣  
調署廣甯被議降縣丞權知清遠縣咸豐四年會匪起竄入  
境兆桂已補遂溪縣丞侯代不至乃激厲士民爲守禦計賊  
旣逼而武弁夜啟門遁賊隨擁入兆桂大憤卽取刀自戕腹  
破仆地遇救得甦乃親歷各鄉糾集義民會粵撫亦遣兵至  
明年正月連戰破賊卒復其城追勦逆黨先後焚沈賊舟百  
餘艘擒斬無算六年賊復熾躬督勇會營弁扼諸河屢敗之  
相持半年賊忽分路綴我軍而由間道撲城兆桂急歸登陴  
守禦夜四鼓巡城憊甚失足墜城下舊瘡迸裂登時殞兆桂  
少負異才居鄉多行義在官潔己愛民以循惠稱清遠民建  
清風亭反鏡臺爲位以祀邇時多艱思立奇功自奮卒以身  
殉其妾趙氏當城初陷時亦剖腹自盡至是大吏以聞

旌卹如例並給世職子應麟襲雲騎尉

楊毓林渾源州人由監生選授江蘇興武衛領運千總遷襄陽衛守備調武昌加都司銜咸豐三年髮逆陷鄂投江殉難賜卹如例子萬選襲雲騎尉

楊月桂渾源州人由監生授例授衛千總分發漕標候補咸豐三年髮逆過江漕帥楊委赴揚州大營差遣明年飭接應紅橋軍營禦賊會官兵敗紅橋失守楊適遇賊於中途月桂奮勇前鬪負重傷力竭捐軀

賜卹如例給雲騎尉世職子福疇襲職官守備

張化龍廣靈人咸豐中由侍衛任直隸天津營守備旋升大名城守營都司時值捻逆竄擾直東隨勦有功保擢遊擊同治二年六月遇賊臨清州接仗陣亡



賜卹如例祀昭忠祠

以上大同府

史國顯朔州人道標千總順治六年遭姜逆之變同子史第赴火死

李承爵左衛人任總兵姜逆之變副將林世昌從逆逼之自縊死王士巖商人也以罵林遭焚死

聶進貴右玉人貢生任兗州府通判升涿州知州後知道州康熙十三年吳逆之變死難

楊叢泰右玉人威遠衛把總康熙三十五年從鎮將出塞協勦噶爾丹戰於昭莫多陣亡

恩卹其家子繼先以蔭選授安慶衛領運千總

崩漢基左雲人由武生効用任殘虎堡把總嘉慶二年冬調征勦川湖流寇著有戰功於五年陣亡喪歸面色如生

安正岡平魯人嘉慶七年以外委從軍四川追賊遇伏陷於賊大罵不屈而死同時戰死者有郭恩泰亦本營外委並蒙賜卹給雲騎尉世職三世後以恩騎尉世襲罔替

張文魁左衛人咸豐三年從鎮軍防堵垣曲賊陷城力鬪死唐盛字際虞朔州人道光丙申進士授欒城知縣縣當畿南孔道軍興供億浩繁盛核稽成章力裁浮冗鄉豪衙蠹不能緣爲奸利振災恤困實惠及民咸豐癸丑粵逆自太行東竄時勝帥統大兵繞賊前扼滹沱直督阿亦自臨洺退師保定賊陷邢臺長趨而前所至州縣並遭殘破將及欒城城中止鄉勇百餘度不能守慨然曰縣官殉城分也復驅孱民以當方張之寇如生靈塗炭何乃洞開四門聽民走避督勇親衛以出已復入城朝服坐堂皇以待賊至厲聲大罵不屈而死

樂民哀之建祠北門外爲社會歲祀不絕

邊瑞昌左雲人任平魯營外委同治中從大軍出花馬池剿賊河東西屢殲賊目英勇無敵後陷入重圍身受重傷力竭

死

賜卹如例給雲騎尉世職

以上朔平府

楊泰字春和偏關人順治元年選貢授江西靖安知縣金逆之變以殉難著泰博聞強識文學有名於時而雅重義氣起卒百里變生弁鎮獨以守土臣分當死慷慨自誓以身殉城聞者壯之

張化樞字德敦偏關人學正鳳鳴子順治三年以貢任左衛訓導姜逆煽亂守土吏率聞風遁化樞北向再拜而死

邱登榮甯武人多力善射順治初爲材官姜壤之叛登榮與

戰被重創陷陣死

楊光祖甯武人性樸直臨難不避康熙十四年以南昌遊擊駐防南豐寇率數萬人來犯統所部徑前搏戰甚力寇披靡已知無繼者糾其眾復集光祖因歿於陣後其子提督鯉總兵鵬疏稱父節得

贈如子官

耿貴和甯武人由武生任千總嘉慶二年勦匪川省以功累升江南壽春鎮遊擊六年遇賊太平縣力戰陣亡

李清桂甯武人乾隆戊子武舉雁門關把總嘉慶三年從勦教匪陣亡於陝西

李興甯武人以外委從勦賊於陝西嘉慶四年戰紫陽縣之土地嶺陣亡

王會甯武人嘉慶五年以外委陣亡於陝西西鄉縣

車定國偏關人由行伍任樺林營千總出師西鄉縣奮不顧身捐軀殉難

賜卹如例給雲騎尉世職

王應選偏關人道光壬辰武舉任廣西賓州守備累遷福建遊擊咸豐中殉難給雲騎尉世職

郝懷瑾偏關人任定邊六營守備同治甲子出師西營古城鎮遇回匪之變戰沒給雲騎尉世職

以上甯武府

趙瀚榆社人任同州司馬署白水令越二年賊猝至誘瀚令降瀚厲聲大罵賊怒割舌斷手卒不屈而死嘉慶初朝廷追錄死事之臣

子世職孫世昌襲恩騎尉

王則典遼州人湖北試用未入流咸豐二年粵逆竄楚武昌  
失陷殉難

賜雲騎尉世職家丁林陞隨主以身衛則典同時死並卹其

家

以上遼州

魏應書字雲榜武鄉人舉嘉慶戊寅鄉試選授曲沃教諭博  
學工詩在職十餘年清介絕俗甚爲士論所推咸豐癸丑粵  
匪陷垣曲聞警慨然曰此吾致命之秋也城破罵賊不屈遂  
遇害其長子介生及姪浩生皆死之妻張氏攜其九歲兒亮  
生投井越日絕出得復甦扶其喪以歸

贈國子監助教世襲雲騎尉父子俱入祀曲沃昭忠祠

秦學魁沁州人僑居霍州道光甲辰科武舉補曲沃城守把  
總粵匪撲城偕縣令丁璜登陴守禦發礮斃賊衆大至力

不支城陷巷戰死尸爲賊殘竟不可得學魁素膽勇敢任事  
曲沃以鐵漢稱之

賜卹如例

張明倫字察菴沁源人由光祿寺署正改選孝豐縣知縣甫  
至浙值粵逆圍攻會城大吏檄守城門督兵勇晝夜捍禦誓  
以身殉及城陷遂縊於敵數之內其妾及姪某並殉焉

旌卹如例

以上  
海州

李廷佐孟縣人以諸生廋騎射給冠帶把總於本邑防守順  
治初土寇警廷佐晝夜巡邏竭力捍城頗著勞績後逐賊至  
黃沙口爲飛礮擊傷而亡賊平

贈都司

楊麗字西徵平定州人乾隆癸酉科武舉由江淮衛千總升

守備調臺灣鎮標右營林爽文之亂在嘉義縣西門外堵勦賊匪連次接仗施放火礮斃賊甚多嗣因中礮傷重身故鎮臣柴大紀奏聞

詔加一等照都司陣亡例議卹給與世職入祀昭忠祠子名揚承襲雲騎尉

唐爲岳字鎮侯平定州人乾隆庚辰武進士授侍衛出爲潼縣營都司升建昌鎮中營遊擊隨大軍征金川屢破碉寨擴地千餘頃歲獲麥數十萬石嘗深入遇大礮礮石如雨七晝夜弗寢食卒克之從軍七載身歷數十戰槍傷遍體未及凱還卒於軍

楊暉字東陽孟縣人少英銳慷慨有氣略中乾隆乙酉武舉補陝西撫標千總越十餘年推升不就甲辰四月甘肅回匪



復叛據石峰堡進陷通渭西安都統明善率所部兵三百進  
勦驍請從征五月抵靜甯州直搗石峰堡陷入賊伏都統被  
戕驍奮臂大呼力殺十餘人方衝突間一賊自後斫之斷其  
右臂仆地死三百人盡沒無一存者

詔從優給卹附祀昭忠祠蔭其子以千總世襲

韓文秀樂平人乾隆辛丑武進士授廣西撫標守備升安籠  
鎮都司時值大饑捐俸濟貧旋擢遊擊隨勦湖南苗匪以戰  
功

賞戴花翎尋攻取苗寨被賊槍刺左脇歸營卒

賜卹如例附祀昭忠祠子維清襲雲騎尉世聯

李躍淵字海門樂平人道光己丑武進士授麗水營都司海  
疆不靖隨處州總兵鄭忠節國鴻赴定海防勦敵攻曉峰嶺

躍淵身先士卒塵戰六晝夜火銃傷臂以刀剗去鉛丸裹瘡力戰屢顛屢起卒中礮與忠節同死

賜卹如例給雲騎尉世職子體仁襲

以上平定州

李士麟定襄人拔貢生順治六年任海州同知有膽略而蒞官慈恕人皆稱之海賊勢頗張居民惶懼士麟示以整暇密設守禦具甚備間督鄉勇出奇兵擣之輒敗其衆已而賊大至晝夜攻不輟潰城以入士麟爲所執不屈死事聞賜祭一壇優恤甚厚

趙家駿忻州人順治辛丑進士知南溪縣滇逆之變死於官家駿性樸直喜觀古忠孝節烈遺事宰百里以慈惠涖民已而逆藩變前鋒至蜀家駿自度守禦未具而職司守土不可委之以去自縊官署克完節焉

黃縉靜樂人順治間以貢士任垣曲縣訓導有師範姜逆之亂城陷死之

趙猶龍字雲從忻州人爲人磊落魁梧善騎射乾隆庚寅武舉直隸武清營千總遷雲南曲尋營守備調東川營保擢都司值貴州湖南苗疆蠢動大軍南征檄令援剿猶龍帥二百人偏師直入賊巢斬首數百踰年教匪起復調入四川遇賊達州磨子壩直入其營截渠魁左耳掖於馬上行數里賊拔小刀刺其胸而逸猶龍還墮馬卒腸胃俱湧出而神色不變詔從優議卹給世職祀昭忠祠

盧英銳忻州人賈於阿克蘇道光六年逆回張格爾破喀城英銳聞大兵至自繪地圖謁軍門陳進取形勢旬月間西四城以次克復敘功

賞藍翎五品銜補固原提標後營外委將不次擢用七年以張逆逃竄未獲請在達爾瓦斯一帶論布魯特回衆中途遇賊力戰死

賜卹賞如制

子恩騎尉世職

史掄錦忻州人道光庚子武進士咸豐初西安城守營守備歷署耀州都司固原遊擊七年調剿捻匪屢著戰功補邠州營都司仍署遊擊事九年三月追賊河南舞陽至北舞渡力戰陣亡

詔從優照遊擊例議卹給世職雲騎尉

王定字字鼎臣忻州人道光庚子武進士咸豐初選授固原城守營守備歷署邠州營都司護馬營監營遊擊三年粵匪

擾河南懷慶檄帶固原五營會勦圍解賊竄山西陷平陽由  
太行間道迎擊敗賊於高河橋平陽既復追賊至直隸之阜  
平會河南項城土匪起定字復奉檄往勦尋補文縣營都司  
從復廬州府城轉戰淮南北勦賊正陽關累功  
賞戴花翎擢遊擊六年三月追賊溺水死

賜卹如例並給世職

高一元字映垣定襄人由歲貢授垣曲訓導禔身範士砥礪  
名節咸豐二年髮逆竄晉直撲縣城偕縣令誓死固守城陷  
一元馳歸整衣冠北面拜卽坐明倫堂賊至露刃脅之大罵  
不屈遂遇害

贈卹如例

以上  
忻州

張琳崱縣人諸生順治中姜壤之變甯武賊起攻大陽保琳

糾眾禦之殺賊三人既而賊大至力鬪遇害

賜卹有加從祀太原忠烈祠

李旦時崞縣人貢生姜壤叛偽將某以萬人由應州寇定襄道出銅川肆掠旦時率團勇禦之預治一棺示必死賊至力戰歿子含玉諸生及從子養兆俱從戰同日死難祀忠烈祠王奕葉五臺人由貢生選襄垣縣訓導順治六年沈賊叛抗節殉難祀襄垣名宦

趙鄰魏崞縣人諸生慷慨有義氣順治初土寇起知縣范印心以事下鄉寓鄰魏家賊首郭果率黨圍之欲得范甘心焉鄰魏設法脫范去賊怒執之鄰魏怒罵不屈遂遇害祀忠義祠同時有楊名聲者佐范勦寇秋峪夜半賊猝至名聲脫范而挺身出拒賊賊以爲范也鬪殺之

徐桂芳字爾香五臺人順治初拔貢生姜壤之變土匪蠱起以桂芳負鄉望脅爲帥桂芳再四諭解無聽者乃佯與約期起事徐審其主謀諸人密白縣令吳捐按名掩捕悉獲之並梟於市其黨大忿伺桂芳出遮諸途責以謀陷且曰今當從我不爾且死桂芳仰天大笑曰

興朝初取士以我爲選首方思殺賊報國豈從爾狗彘反耶因極口大罵賊攢刃殺之而去

班逢揚崞縣人嘉慶元年舉孝廉方正授陝西三元縣知縣升定遠廳同知定遠境內多山恒苦亢早有泉自深澗流出不數武卽入於沙逢提教以導引之法築壩以資蓄洩灌溉民田甚普民因稱爲班公壩教匪竄陝奉檄協理軍務勦賊

遇害

贈知府銜給世職孫三兆襲職官英州州同

高如岡繁峙人嘉慶己卯武舉授金剛庫千總累遷至陝西  
鹽茶營都司同治三年回匪竄擾督所部力禦之城陷戰死  
贈遊擊銜孫攀桂襲雲騎尉

李敏珍號樸亭崞縣人道光乙巳進士知河南原武縣尋調  
沙縣折獄明決剔弊除奸城南漳水爲患捐修石隄禦之汜  
濫患息又倡修沙陽書院延師訓課歲饑賑濟在官數載惠  
政多端咸豐癸丑八月粵匪犯境珍身率士民登陴守禦賊  
悉眾環攻城陷遇害

贈知府銜子心田襲雲騎尉世職雨田副榜貢生

任秉鈺字子貞崞縣人剛正有氣節工書能文聲名藉甚道  
光丙午舉人咸豐中授廣西賓州知州先是州城數被賊擾



民多逃亡秉鈺下車多方招撫訓士課農俾各安生業修復倉庾簡訓士卒以備不虞無何賊至突竄州境之洪嶺秉鈺率勇禦之接戰一晝夜不利退保州城爲堅守計越數日賊衆擁至環城急攻城陷鈺復督勇巷戰手刃數賊身被重傷爲賊所執罵不絕口而死竄人立祠祀之

贈知府銜子濂襲雲騎尉世職

武化遠崢縣人武進士懋侍衛出爲湖北豐溪營守備署都司咸豐二年髮逆竄入武昌化遠請於鎮帥願出擊賊遂從大軍勦賊於黃陂大小十數戰臨陣輒奮勇當先斬獲甚多以身受重傷回營調理行至隨州創甚不能進遂沒

賜卹如例子步陞襲雲騎尉

楊映河字秀清道光乙未武進士累官廣西柳州府都司咸

豐二年四月洪逆撲全州映河方畧參將櫻城固守時援兵至者數萬人皆遠屯十里之外賊攻圍益急旬日城陷映河乃率家丁巷戰殺賊十餘人力竭死之事聞

賜卹蔭建專祠子懷英襲雲騎尉

賀遐齡繁峙人由武進士官木泉營守備同治十一年從征回逆率所部策應肅州中途遇賊與戰衆寡不敵力竭陣亡賜卹如例

以上代州

呂朝京保德州人性厚而烈順治七年牛逆破州城

大兵來勦朝京念復州城後玉石莫由分若說賊使解甲歸降城中庶有生望因詣主者請入城招諭主者許之既至懇曲啟導牛顧謂來伺間叱令斬之朝京不少動神色如常

張射斗保德州人幼讀書知大義及爲諸生餽於庠志氣益

激昂順治七年牛賊入州城嚴刑督吏民爲守射斗憤甚日夜思誅之謀定未發浙人章正賓欲媚牛以情告牛將殺射斗而懼其得人心猝莫敢動佯爲好誘入文廟遽執而殺之後州人卒殺牛正賓亦爲府谷賊所殺

王有貴字玉堂保德州人道光庚子鄉試中式同治初由大挑知縣需次甘肅軍功擢同知借補肅州州同光緒二年叛回擾境出禦之中火銃死

賜卹如例世襲雲騎尉

以上保德州

王冕安邑人運學歲貢任汾州訓導己丑姜逆之變殉難於官

崔琳字雍山夏縣人嘉慶戊寅舉於鄉初署安徽霍山縣以廉能著補涇縣調署滁州所至多善政比回任值粵匪之亂

相機堵禦賊不能入境咸豐六年十月賊突至琳率兵民嬰城固守望援不至以糧盡城陷躬率典史張起奮戰力竭遇害

贈卹如例孫向來襲雲騎尉世職

鄭廷錦夏縣人舉道光乙未鄉試累官陳州府知府同治間剿賊陣亡

恩卹如例子斗南以蔭官河南通判

陰長庚字乙垣夏縣人道光丁未進士歷署江南溧陽金山諸縣俱有政聲後奉委巡視盤門遇賊傷左股遂以身殉贈卹如例著有燕翼堂詩藁

曲春泰解州人道光乙丑武進士湖北撫標左營守備髮逆破武昌死之隨任家屬俱殉難蒙

恩賜卹世襲雲騎尉

張文治夏縣人江西南安府照磨秉性忠義咸豐間率勇征賊在福建殉難弟夢華襲雲騎尉世職

趙鴻儀字肅卿解州人任惠甯城巡檢同治二年回匪破城家丁有勸其逃者答曰吾食國祿不同汝輩遂爲賊而死全家俱殉難焉

劉濯安邑人以縣丞需次陝西軍功加理問銜以知州用同治元年署蓋屋祖安鎮縣丞十月回逆鴉張鎮當衝要濯協紳耆練勇防堵明年正月賊股突至濯督戰力竭遇害眷屬扶輓奔蓋屋城未幾城陷祖母侯叔母郭及女俱殉難

恩予旌卹子仰青襲雲騎尉世職

劉朝海字宗漢平陸人由行伍補夏縣外委同治六年防河

吉州十一月六日鄆窩冰初合捻匪搶渡朝海帶兵同米把總  
谷外委衝鋒堵禦相持一晝夜力竭陣亡谷亦罵賊遇害所  
部兵隸平陸籍者二十三人皆力戰死

以上解州

孫殿元稷山人由武生入營効力勦捕楚豫教匪奮勇擊賊  
身受重傷擢權店營把總由此氣益奮每戰必先嘉慶四年  
八月追賊四川戰於茅啞子陣亡

賜卹如例祀昭忠祠子萬邦襲雲騎尉

席必端字子正垣曲人選貢品端學粹尤善書咸豐癸丑垣  
城失守賊破門而入脅令從逆叱曰吾家世受

國恩豈汝從耶且厲聲大罵賊怒並其二子縛而擄割之  
勾攀桂字德馨絳州人監生成豐三年粵匪攻平陽攀桂與  
姪天祿在城內素喜任事激於義憤遂登陴協守城陷俱遇

害從祀何太守專祠

衛如圭字方倩絳州人儻有膽略以諸生屢試不售授例授戶部郎中任事勤慎上官倚之同治初假歸在籍值辦團務慷慨倡捐經費裕如州之練勇因得爲閩屬最丁卯冬捻匪竄晉聞警約村人相與拒守比賊至村人逃散僅得十餘丁率以禦賊賊斃一人眾遂潰獨奮戈與鬪被執賊見其英偉呼爲武舉逼索財物罵不絕口賊怒割去左耳罵愈厲遂遇害

贈道銜建專祠以同時殉難者附蔭一子入監讀書期滿以知縣用

徐海清字安瀾絳州人諸生捻匪犯境以所居當賊自知不免語兄曰與其被辱而死盍早爲計遂相攜投井死

贈鹽運司知事蔭一子入監讀書期滿以主簿用從祀忠義  
孝弟祠

毛郁文字斌甫絳州人增貢生援例授員外郎捻匪至被執  
不屈賊怒投之火立燼死同村有諸生段彰華者賊掠其子  
女賊三人彰華以鎧擊一賊中肩餘逸去呼醜類至彰華又  
斃先至者一人爲賊攢刺死並其子殺之

趙廷玉字崑山絳州人諸生事親以孝聞捻匪擾絳廷玉方  
授徒太平間警急歸省親中途爲賊所劫賊出掠追爲鄉導  
乘間赴道旁井死秦壽山亦諸生恥爲賊役投井以殉其禦  
賊力鬪而死者有鄉民李天福王乘鸞抗賊不屈遇害者有  
從九文治國江有安鄉民劉福保張廷桂呂克漢並祀昭忠

祠



張俊庠垣曲人武生署封門汛外委同治六年賊竄擾封門  
俊率眾堵禦擊殺數人力竭被執罵賊不屈死以上絳州  
何思祥靈石人與子起蛟騰蛟胥驍勇姜逆之亂山賊亟誘  
入黨堅拒不從尋爲賊擒怒罵不絕口賊磔之

晉大忠字心葵趙城人康熙初遊海上時海寇犯境因投行  
間自効以軍功擢署守備十三年耿逆之變制府李之芳提  
軍至大忠自嘉興赴軍由衢州至金華恢復諸邑鎮獻捷十  
六次以守備管遊擊事復調赴衢州屯繆村深夜爲賊所乘  
力戰死

賜卹有加子賦字禹平襲職補守備遷廣德遊擊署六安參  
將

聖祖南巡蒙

賜御書云

何道深靈石人乾隆庚辰武進士授侍衛累擢貴州提標遊擊三十三年隨將軍明征緬甸由二龍山取木邦抵錫泊渡天生橋攻蠻結賊死守身冒矢石攀柵拔城奉令撤兵時與李總兵殿護

大兵至邪徠遇賊力戰火銃中額嗣隨將進攻猛域被困爲十二營前鋒自平明戰至日中身被重創陣亡事聞奉

旨特加一級給卹遣官致祭入祀昭忠祠子膺綬守備世襲恩騎尉

王如玉字嵐溪靈石人由貢生以道員注籍官貴州貴西道兼署臬篆讞獄平允尋以親老乞歸養起復發四川委用適金川逆酋作亂當事知如玉才奏遣調征軍分三路會降番

內叛木果木軍潰賊眾紛至如玉度不能支拔劍躍馬連殺  
數人遂歿於陣

贈太僕寺卿入祀昭忠祠子榮榮襲恩騎尉由陝西山陽縣

知縣累遷至甘肅甯夏道

以上  
霍州

補遺

王牧民浮山人

國初以貢授平湖縣丞甫蒞任海寇遽至慷慨登陴爲守禦  
計比城陷被執不屈死之

許富字禮齋翼城人由武生官礪廠千總粵逆竄平陽富適  
在鎮奉檄守城親然大礮斃賊多人城陷爲賊所執抗節死  
賜卹如例世襲雲騎尉

魏驥大同人康熙中以材勇征從噶爾丹有功授把總累推

至正定鎮總兵雍正七年大兵征策旺爲車陣漢統領直隸  
山東山西河南四省車騎兵會剿每戰輒先士卒俘斬甚衆  
明年進至庫列兒地方賊圍至圍之數日麟奮勇潰圍出以  
馳救諸將復陷陣身被數十創力戰沒承喜亦從死事聞  
賜祭葬贈都督同知祀昭忠祠蔭一子

張成大同人由行伍補水泉營把總嘉慶四年從剿教匪奮  
勇爭先五年戰於漢中之法寶山遇害盧榮祖者以外委隨  
征積功至千總先一年戰死雙泉子並荷優卹給雲騎尉世  
職

何大明大同人由武生任靈邱千總同治四年從征庫倫有  
功十一年剿賊科城力戰捐軀同時戰死者又有鐵山堡外  
委謝登高並卹贈如例

李威杜存亮並大同人以外委分防甯武光緒四年朔州教匪熊六滋事率兵勦捕爲賊所乘力鬪死賜卹如例

李國模榆社人姜逆之變賊黨犯境肆劫掠夜屯城外國模結壯士驟擊之賊驚走後爲賊攢刺死壯士痛哭奮力收其尸歸賊爲奪氣自是不敢復近城

張鈞壽陽人任俠有膽略援例授鎮遠府經歷值苗匪滋事與妻子俱殉難優卹如例世襲雲騎尉

郭金寰定襄人姜逆之變與弟文寰保所居之西邢村五臺賊張五桂攻之率丁壯力戰歷三日堡陷兄弟俱被執賊脅之降金寰瞋目大罵乃殺之文寰亦不屈死

王國瑜字君璋定襄人乾隆丙午武舉授貴州平遠協守備以戰功遷雲南臨元鎮都司征鎮甯州叛苗力戰卒於軍

馮配京代州人以武功授小石口把總姜逆之變州人劉遷聚眾以應配京與弋節共守水峪堡賊力攻破之被執迫令呼代城降許以富貴配京佯諾之至則大呼守陴者曰賊眾烏合無能為諸君悉力守天兵且至毋以我故懷二心賊怒殺之弋節亦不屈死大吏聞於

朝加贈卹焉

劉耀德代州人由武舉授河北守備川楚軍興調戍漢中嘉慶三年四月賊竄南鄭耀德禦之南埡子戰沒卹給雲騎尉世職

張用章代州人乾隆癸卯武舉嘉慶二年以八角堡把總從征教匪次年二月與賊戰於紫陽縣陣亡給卹如例子瑛襲雲騎尉官至鄜州都司

郎汝琦代州人以廩生官陽城訓導擢知縣尋遷武土州州  
判乞病歸子桂森官湖北按察司經歷迎養於署咸豐二年  
十二月粵逆竄楚城陷父子殉節全家並及於難

賜卹贈桂森都察院經歷次子桂芬孫煥辰俱襲雲騎尉

趙永年代州人由行伍授千總累遷沅州都司咸豐五年署  
臨武營十月追勦粵逆至懷遠縣九安背力戰陣亡

翟永昌河東人精騎射拊髀慷慨雅有馳騫之思由將材累  
官廣東開建守備康熙十五年賊圍肇慶永昌督兵徑進至  
高要大迎與賊遇率先摧鋒所殺過當久之矢盡被殺事聞  
贈都司僉書

賜祭葬蔭卹特厚

侯佐解州人知建平合肥有循賢聲擢刑部主事調吏部順

治己丑遇賊拷掠罵賊不屈與父嗣晉偕被害

薛佩玉芮城人順治辛丑進士授貴州都勻縣知縣逆藩之變死其官佩玉少讀書至古人忠孝大節神輒躍都勻以衛初改縣殫思整飭甫期年變作縣駐防兵數千譁謀焚掠佩玉登城呼首領諭令解甲聽命賊不應擁佩玉歸署以健卒守之已而授偽印令知縣事佩玉抗節不屈北向再拜曰臣不能討賊又不能守土奚敢偷生遂登樓自縊以死

李王安芮城人僑居甘肅道光己酉舉陝關武試軍興積功授平涼遊擊加總兵銜同治五年賊陷平涼全家殉難王安方奉檄他出聞變馳歸率所部力戰走賊復其城明年督饗出關遇賊斜口鎮卽奮力與戰沒於陣

郭襄芮城人以知縣需次甘肅同治中解饗平涼值回逆來



攻協力守禦城陷罵賊死贈道銜世襲雲騎尉

李齊白開喜武生順治八年征土寇單騎直入斬一級中箭死

裴秀通開喜人梗亮有雄氣爲典商顧恢奇喜談兵法嘉慶初在河南值川楚軍興自募勇防禦敗賊游騎賊恨之大股蝟集秀通被圍力不支被害甚慘豫撫以狀上賜卹予世職祀入昭忠祠

張治平開喜人武科解首平陽營把總同治六年防河遇難李錫山廩貢生江蘇巡檢由河工保舉藍翎五品銜委解海運在洋遇颶舟覆溺死從優給卹加贈道銜並雲騎尉世職陳所優絳縣人以武進士任陝西甯羌衛守備順治六年羌逆黨擾平陽南盤踞絳境所優自甯羌歸敷陳

國威數其罪力誥之死於邑之柳莊村

郭自修絳縣人性梗直少讀書卽以忠義自負比膺歲薦授安遠知縣束裝偕二僕就道子弟有請行者不許蒞任理民事不少懈未二年綱舉目張尋以石城失守調石城甫至而山賊張自聖率衆來攻自修督民守禦久之城破賊已入自修猶立城頭指揮既而左右悉鳥獸散遂爲賊執自聖誘以好語逼之降端坐大罵不少屈自聖怒手刃於城下賊退邑人哀其忠斂而葬焉後六十年孫維屏迎櫬歸石城人郊祭者猶數十里不絕

原世儒絳縣人順治二年拔貢任平海衛經歷時海寇犯順世儒將之官有尼其行者曰賊勢方熾盍少待以避之世儒曰我職雖微固朝廷命官也豈畏賊乎遂行將至任所遇賊

賊逼之降不屈而死

任思鈞絳縣人交城把總適山東賊起奉檄從征力戰膺重傷死祀昭忠祠

郭金鐸同治六年捻逆擾境鐸隘路遇賊執農器憤與敵賊大恚戕之又同里郭懋學亦嘗賊同時遇害

王炳勳垣曲人道光己丑進士累官陝西鳳翔府知府負贖略論事侃侃不撓巡撫曾惡其崛強劾罷之回逆之變復由軍功需次關中解饑大營道逢賊被執大罵不屈遂遇害

曹佐周同治六年冬捻匪擾其里罵賊不屈賊怒縛於旗杆殺之同時殉難者有王寬院王四喜

薛鑿魁亦因罵賊火其骸

閻林茂稷山人以騎射中材官選同治六年捻逆犯境糾丁

壯結社捍禦邊馬至立斃之前後十餘騎悉殲焉俄而賊大  
集率眾迎擊力鬪死從而死者三百餘人事聞從優

賜卹給雲騎尉世職

韓搗謙楊永耀並稷山諸生丁卯之變並罵賊不屈力鬪捐  
軀俱蒙優卹世襲雲騎尉

衛光輝稷山耆民也擒匪擾及其村持利刃伺門內賊入突  
起殺之連斃數賊賊乘屋下擊與其子分禦不克均死焉光  
輝時年七十二矣聞者壯之同時與賊力格而死者有監生  
薛漢英鄉民薛際銑薛端二馬維道馬聯芳馬步斗馬步霞  
裴忠義裴茂杞常黃二程維世罵賊不屈而死者有高登眼  
龔保山邳從順邳復元衛浚並祀忠義祠

婁佩秀垣曲人從九品擒匪劫掠鄉里督子弟力敵罵不絕

口被重傷越日死

季允隰州人字寶山官湖廣參將康熙七年賊聚湖南七連坪統兵搏之戰三晝夜力盡矢竭遂自刎事聞卹葬如例

劉文英霍州人禦賊平寇堡被執不屈罵賊死

右二百五十一人

附見者一百八十二人

山西通志卷一百三十七